

Հ Ա Շ Վ Ե Տ Վ ՈՒ Թ Յ ՈՒ Ն  
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

**1. Անունը, ազգանունը**

Արմեն Նազարյան

**2. Զբաղեցրած պաշտոնը**

ՀՀ առողջապահության նախարարի տեղակալ

**3. Գործուղման վայրը և ժամկետները**

2022 թ. նոյեմբերի 21-25-ը, Նիկոսիա (Կիպրոսի Հանրապետություն)

**4. Հրավիրող կողմը**

Կարմիր խաչի միջազգային կոմիտե (ԿԻՄԿ)

**5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)**

Այցի հիմնական նպատակն էր ծանոթանալ անհայտ կորած անձանց աճյունների որոնման, դուրսբերման և նույնականացման ուղղությամբ Կիպրոսի Հանրապետությունում իրականացվող աշխատանքներին, որոնք մեծացրել են ինստիտուցիոնալ ծրագրերի մշակման և իրականացման ոլորտում առկա կարողությունները:

**6. Քննարկված թեմաները**

Հանդիպումների ընթացքում քննարկվեցին անհայտ կորած անձանց աճյունների որոնմանը, դուրսբերմանը և նույնականացմանն առնչվող մի շարք հարցեր, մասնավորապես՝ հնարավորություն է ստեղծվել ծանոթանալ գործող նույնականացման լաբորատորիաներին, որտեղ իրականացվում են մասունքների մարդաչափական համադրումներ և նույնականացում:

**7. Հանդիպումները, ելույթները, բարձրացված կամ քննարկված հարցերը**

Այցի շրջանակներում այցելել ենք Կիպրոսում անհայտ կորածների հարցերով կոմիտե (CMP) (այսուհետ՝ Կոմիտե): Տեղում ծանոթացել ենք Կոմիտեի կազմակերպչական գործառույթներին, տեղեկատվության պահպանման

հնարավորություններին, լաբորատոր կարողություններին, ինչպես նաև տեխնիկական հնարավորություններին: Կոմիտեի կողմից իրականացվող աշխատանքների վերաբերյալ գրեթե բոլոր ստորաբաժանումների ղեկավարները ներկայացրել են համապատասխան զեկույցներ և թվային տվյալներ: Լաբորատորիայում ծանոթացել ենք մասունքների մարդաչափության իրականացման գործընթացին, դրանց նույնականացմանը, ինչպես նաև հետագա արխիվացմանը: Այցելել ենք նաև պեղումների վայր, որտեղ իրականացվում էին հնարավոր մասունքների հայտնաբերման աշխատանքներ:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը**

Կոմիտեն պատրաստակամություն է հայտնել անհրաժեշտության դեպքում կազմակերպել համապատասխան մասնագետների վերապատրաստում: Միաժամանակ, Կարմիր խաչի միջազգային կոմիտեի միջոցով հայկական կողմին կփոխանցվի քննարկված թեմաներին վերաբերող ամբողջական նյութերը, ինչպես նաև անհետ կորածների վերաբերյալ վարվող տվյալների բազայի ալգորիթմը:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հանդիպումների արդյունքում առաջարկվել է Կարմիր խաչի միջազգային կոմիտեի միջոցով շարունակել հնարավոր համագործակցությունը՝ տեսական աջակցություն կարիքի դեպքում:

**10. Ստորագրությունը, ամսաթիվը**

2022 թ. նոյեմբեր 29

 Recoverable Signature

X 

ԱՐՄԵՆ ՆԱԶԱՐՅԱՆ

Signed by: NAZARYAN ARMEN 3712760329